

ახალი წიგნები



საინტერესო წიგნი:

გარიგორიულ მთლიანობასთან დაკავშირებული კონფლიქტის მშვიდობიანად გადაწყვეტის უნიკალური პრაცედენტის შესახებ

გივი აბაშიძე

სამართლის დოქტორი

ბათუმის შოთა რუსთაველის სახელმწიფო
უნივერსიტეტის ასოცირებული პროფესორი

სულ ახლახან გამომცემლობა „მერიდიანმა“ საქართველოს ტექნიკური უნივერსიტეტის „კონფლიქტების დარეგულირების სამართლებრივი, პოლიტიკური და ეკონომიკური კვლევების ცენტრის“ მიერ პროექტის „საქართველოს აფხაზეთი და ჩინეთის ჰონკონგი“ (ძიებანი კონფლიქტის დარეგულირებისათვის) ფარგლებში გამოსცა საქართველოს ტექნიკური უნივერსიტეტის პროფესორების, პოლიტიკისა და სამართლის მეცნიერებათა დოქტორის ჯემალ გახოკიძისა და სოციალურ მეცნიერებათა აკადემიური დოქტორის სოფო მიდელაშვილის მიერ მომზადებული ნაშრომი „ჰონკონგი, ჩინეთი 1997“, რომლის რედაქტორები არიან საქართველოს ტექნიკური უნივერსიტეტის რექტორი, აკადემიკოსი არჩილ ფრანგიშვილი და საქართველოს პარლამენტის საგარეო ურთიერთობათა კომიტეტის თავჯდომარე თედო ჯაფარიძე.

როგორც ნაშრომიდან სჩანს ავტორთა გადანყვეტილება ამგვარი ნაშრომის შექმნის შესახებ განაპირობა საქართველოში არსებულმა მოუგვარებელმა კონფლიქტებმა, რადგან მიუხედავად საქართველოს ხელისუფლებისა და საქართველოს მეგობარი ქვეყნების ოცნლიანი ძალისხმევისა, კონფლიქტების დარეგულირების მდგომარეობა არ იცვლება და ფაქტიურად უკეთესობისაკენ არ მიდის. ამდენად, ასეთ ვითარებაში საჭირო გახდა საქართველოში არსებული კონფლიქტების დარეგულირების ახალი გზებისა და ფორმების ძიება, რომელიც მხოლოდ მათ მშვიდობიანად გადანყვეტას დაემყარება.

ნაშრომის ავტორებისათვის ჰონკონგის ფენომენი მეტად საინტერესო აღმოჩნდა, რადგან 1997 წლის პირველ ივლისს ჰონკონგის დედასახელმწიფოში დაბრუნება მართლაც უნიკალური მოვლენა და არსებული რეალობაა.

სწორედ ამიტომ მიიჩნიეს ნაშრომის ავტორებმა საჭიროდ საქართველოში არსებული კონფლიქტების ჰონკონგის მსგავსად გადანყვეტა და ნაშრომში გად-

მოგვცეს კონფლიქტის გადანყვეტის როგორც ისტორიული, ისე პოლიტიკურ-სამართლებრივი და ეკონომიკური ასპექტების ანალიზი და შესაბამისი გზების, ფორმებისა და მეთოდების ძიება საქართველოსა და მის განდგომილ რეგიონებთან მიმართებაში.

აქედან გამომდინარე, ნაშრომის ძირითადი მიზანია ჩატარებული კვლევის შედეგად გამოკვეთილი ძირითადი ასპექტების, კერძოდ ჩინეთთან ჰონკონგის მიერთების პოლიტიკური ფაქტისა და დოკუმენტური მასალების ფართო საზოგადოებისათვის გაცნობა, რადგან ჩინეთის მიერ ჰონკონგის მიერთების ასეთი წარმატებული გადანყვეტა ძალზე საინტერესო და საყურადღებოა, მით უმეტეს, როგორც ნაშრომიდან ირკვევა, ამ მიმართულებით საქართველოში არც ნაშრომი შექმნილა და არც კვლევა ჩატარებულა.

ნაშრომში მეტად საინტერესოდ და შინაარსიანად არის გადმოცემული ჰონკონგის ჩინეთში მშვიდობიანი დაბრუნების შესახებ. ეს მართლაც უნიკალური და უპრეცედენტო შემთხვევა იყო, რომლის ანალიზი მსოფლიოში ნაკლებად თუ მოიძებნება, იმის მიუხედავად, რომ ერთის მხრივ ჩინეთის სახალხო რესპუბლიკაში სოციალიზმის, ხოლო მეორე მხრივ - ჰონკონგში კაპიტალიზმის არსებობის გამო ამ ქვეყნებს შორის შეუთავსებლობისა და დაპირისპირების უამრავი წინაპირობა არსებობდა. მაგრამ, როგორც ნაშრომშია აღნიშნული, ეს წინააღმდეგობა გადაილახა ძირითადად ჩინეთის ხელისუფლების მხრიდან გამოჩენილი პრაგმატული და რეალპოლიტიკაზე დამყარებული პოლიტიკური ნებით.

როგორც ზემოთ აღინიშნა, ჰონკონგის ჩინეთში მშვიდობიანი დაბრუნება უპრეცედენტო შემთხვევა და დიპლომატიის უდიდესი გამარჯვება იყო, რის შედეგად რეალურად კონფლიქტი მშვიდობიანი გზით იქნა გადანყვეტილი. ჰონკონგის ფენომენი მეტად საინტერესოა ჩვენს ქვეყანაში არსებული კონფლიქტის გადანყვეტის გზებისა და ფორმების ძიები-

სათვის. ამასთანავე, ნაშრომის ავტორების აზრით ჰონკონგის გავლილი გზა კონფლიქტის მშვიდობიანი მოგვარებისათვის, ჩვენი რეალობიდან გამომდინარე კრიტიკულადაა გასაანალიზებელი, ანგარიშგასაწევი და მხედველობაში მისაღები.

ნაშრომის ავტორებმა სწორედ ამ მიზნით შემოგვთავაზეს განსჯისათვის მათ მიერ ჩატარებული კვლევის შედეგები, რომელსაც ვფიქრობთ ქართული საზოგადოების დიდი ნაწილი, ყველა დარგის სპეციალისტები, ზოგადად კი საქართველოს ტერიტორიული მთლიანობის აღდგენით ყველა დაინტერესებული მკითხველი გაეცნობა.

ნაშრომის ღირსებად უნდა ჩაითვალოს ის ფაქტი, რომ მისმა ავტორებმა შეიმუშავეს სახელმწიფო მონყობის საკმაოდ გაბედული მოდელი ტერიტორიული კონფლიქტის მშვიდობიანად მოგვარების უნიკალურ პრეცედენტებთან დაკავშირებით და ის განსჯისათვის მკითხველს წარუდგინეს.

საყურადღებოა, რომ კვლევის შედეგებთან ერთად ნაშრომში ავტორები მკითხველს სთავაზობს ორი ძირითადი დოკუმენტის ქართულ თარგმანს, კერძოდ დიდი ბრიტანეთისა და ჩრდილოეთ ირლანდიის გაერთიანებული სამეფოს მთავრობისა და ჩინეთის სახალხო რესპუბლიკის მთავრობის 1984 წლის ერთობლივ დეკლარაციას ჰონკონგის თემაზე და ჩინეთის სახალხო რესპუბლიკის ჰონკონგის სპეციალური ადმინისტრაციული რეგიონის კონსტიტუციას, რომელიც საფუძვლად დაედო ნაშრომში შემოთავაზებულ დასკვნებს და შეფასებებს ჰონკონგსა და ჩინეთს შორის აღდგენილ ურთიერთობებთან დაკავშირებით, ჩინეთთან ჰონკონგის მიერთების პოლიტიკურ მოვლენას.

სწორედ დიდი ბრიტანეთისა და ჩინეთის ერთობლივი დეკლარაცია და ჰონკონგის კონსტიტუცია გახდა ჰონკონგისათვის სრული ეკონომიკური და ფინანსური თავისუფლების მინიჭების პოლიტიკურ სამართლებრივი საფუძველი. ამის შედეგად, 20 წლის განმავლობაში ჰონკონგი გახდა მსოფლიოს ერთ-ერთი წამყვანი საერთაშორისო ფინანსური ცენტრი.

ნაშრომის ბოლოს ავტორების მიერ სწორედ ჩინეთისა და ჰონკონგის გაერთიანებისა და ერთად ყოფნის 17 წლის პერიოდის დამახასიათებელი პოლიტიკური და სამართლებრივი საფუძვლებია გაანალიზებული.

როგორც ნაშრომიდან სჩანს წარმოდგენილი პროექტის მიმართ ინტერესს იჩენს საქართველოს მთავრობა.

წარმოდგენილი ნაშრომი განსჯისათვის მკითხველთა ფართო წრეებისათვის არის განკუთვნილი, რომელიც ძალიან საინტერესოდ იკითხება.

სასიხარულოა ის ფაქტიც, რომ როგორც ნაშრომის ავტორები გვამცნობენ საქართველოს ტექნიკური უნივერსიტეტის „კონფლიქტების დარეგულირების სამართლებრივი, პოლიტიკური და ეკონომიკური კვლევების ცენტრი“ მუშაობას აგრძელებს პროექტის მეორე ნაწილით გათვალისწინებულ უფრო მნიშვნელოვან პრობლემებზე. კერძოდ,

საქართველოში არსებული კონფლიქტების დარეგულირების მშვიდობიანი გზების ძიების მიმართულებით და გვპირდებიან მეცნიერული კვლევის, ჩინეთ-ჰონკონგის გამოცდილების ანალიზისა და არსებული მდგომარეობის საფუძველზე აფხაზეთისა და ე. წ. სამხრეთ ოსეთისათვის შესატავაზებელი წინადადებების ახალი პაკეტის მომზადებას, რომელიც ავტორთა აზრით უნდა გახდეს კონფლიქტების დარეგულირების საქართველოს სახელმწიფო პოლიტიკის შემადგენელი ნაწილი.

მინდა მეტად საინტერესო ნაშრომის გამოცემისათვის მადლობა გადავუხადო მის ავტორებს, რომელთა დიდი შრომის შედეგად გახდა ხელმისაწვდომი წარმოდგენილი ნაშრომი ქართული საზოგადოებისათვის და ვუსურვო წარმატებები მათ შემდგომ საქმიანობაში.